

**Javna ustanova "Fond Memorijala Kantona Sarajevo", ul. Širokac 22, Kovači-Sarajevo,  
koga zastupa direktor Bahtanović Hazim (u daljem tekstu: **Ugovorni organ**)  
i**

**Kantonalno javno komunalno preduzeće za sahrane i upravljanje grobljem  
„POKOP“ d.o.o. Sarajevo, ul. Mula Mustafe Bašeskije br. 38, Sarajevo, Stari Grad, JIB:  
4200119040004, koje zastupa direktor Goran Cerić (u daljem tekstu: **Dobavljač**)**

**Zajednički naziv za Ugovorni organ i Dobavljač je UGOVORNE STRANE.**

zaključili su u Sarajevu, dana 06.10.2020.godine

**U G O V O R  
O IZRADI TEMELJA ZA NIŠANE I NADGROBNE SPOMENIKE**

**I - OSNOVNE ODREDBE**

**Član 1.  
(Predmet)**

(1) Predmet ugovora je izvođenje radova na izradi temelja za nišane i nadgrobne spomenike na gradskim grobljima u Kantona Sarajevo, kojima upravlja KJKP "Pokop" d.o.o. finansiranje naknade za izdavanje saglasnosti za izvođenje radova na grobljima, kojima upravlja i gaziđuje KJKP "Pokop" d.o.o., kako slijedi:

- izrada armirano-betonskih temelja za postavljanje 350 (tristotinepedeset) jedinstvenih spomen obilježja za veterane odbrambeno-oslobodilačkog rata 1992.-1995. (veteranski nišan);
- izrada armirano-betonskih temelja za postavljanje 5 (pet) jedinstvenih spomen obilježja šehidima Armije R BiH (šebridski nišan);
- izrada armirano-betonskih temelja za postavljanje 4 (četiri) jedinstvena spomen obilježja roditeljima šehida Armije R BiH (nišani roditeljima šehida);
- izrada armirano-betonskih temelja za postavljanje 18 (osamnaest) jedinstvenih spomen obilježja veteranima odbrambeno-oslobodilačkog rata 1992.-1995. sa opločavanjem kulir pločama;
- izrada armirano-betonskih temelja za postavljanje 1 (jednog) jedinstvenog spomen obilježja-ploča poginulom borcu sa opločavanjem kulir pločama;
- naknada za izdavanje saglasnosti za izvođenje radova na postavljanju 359 (tristotinepedesetdevet) pari nišana;
- naknada za izdavanje saglasnosti za izvođenje radova na postavljanju 19 (devetnaest) nadgrobnih ploča.

(2) Radovi se izvode prema praksi i projektu Dobavljača.

(3) Ponuda Dobavljača broj: 0602-3545-2/20 od 16.09.2020. godine sastavni je dio ovog Ugovora.

**Član 2.  
(Vrijednost ugovora)**

(1) Jedinstvena cijena iz predmeta ovog Ugovora za jedan armirano-betonski temelj, na jednom ukopnom mjestu se utvrđuje kako slijedi:

- a) za izradu armirano-betonskih temelja za postavljanje jedinstvenog spomen obilježja za veterane odbrambeno-oslobodilačkog rata 1992.-1995. (veteranski nišan), na svim grobljima nad kojima gaziđuje i upravlja KJKP „Pokop“ d.o.o., iz člana 1. ovog Ugovora, iznosi 382,913 KM/slovima: tristotineosamdesetdvadeset i 913 /100 KM /;
- b) za izradu armirano-betonskih temelja za postavljanje jedinstvenog spomen obilježja šehidima Armije R BiH (šebridski nišan), na svim grobljima nad kojima gaziđuje i upravlja KJKP „Pokop“ d.o.o., iz člana 1. ovog Ugovora, iznosi 382,913 KM /slovima: tristotineosamdesetdvadeset i 913 /100 KM /;

c) za izradu armirano-betonskih temelja za postavljanje jedinstvenog spomen obilježja roditeljima šehida Armije R BiH na svim grobljima nad kojima gazduje i upravlja KJKP „Pokop“ d.o.o., iz člana 1. ovog Ugovora, iznosi 382,913 KM /slovima: tristotineosamdesetdva i 913 /100 KM/;

d) za izradu armirano-betonskih temelja za postavljanje jedinstvenog spomen obilježja veteranima odbrambeno-oslobodilačkog rata 1992.-1995. sa opločavanjem kulir pločama, na svim grobljima nad kojima gazduje i upravlja KJKP „Pokop“ d.o.o., iz člana 1. ovog Ugovora, iznosi 679,68 KM /slovima: šeststotinasedamdesetdevet i 68 /100KM/;

e) za izradu armirano-betonskih temelja za postavljanje jedinstvenog spomen obilježja - ploča poginulim borcima sa opločavanjem kulir pločama, na svim grobljima nad kojima gazduje i upravlja KJKP „Pokop“ d.o.o., iz člana 1. ovog Ugovora, iznosi 679,68 KM /slovima: šeststotinasedamdesetdevet i 68 /100KM/;

(2) U jedinstvenu cijenu uključen je PDV u iznosu od 17%.

(3) Jedinstvena cijena iz predmeta ovog Ugovora za naknadu izdavanja saglasnosti za izvođenje radova za jedno jedinstveno spomen obilježje se utvrđuje kako slijedi:

a) naknada za izdavanje saglasnosti za izvođenje radova za nišane na svim grobljima nad kojima gazduje i upravlja KJKP „Pokop“ d.o.o., iz člana 1. ovog Ugovora, iznosi 90,00 KM/slovima: devedeset i 00 / 100KM/;

b) naknada za izdavanje saglasnosti za izvođenje radova za nadgrobne ploče na svim grobljima nad kojima gazduje i upravlja KJKP „Pokop“ d.o.o., iz člana 1. ovog Ugovora, iznosi 180,00 KM /slovima: stotinuosamdeset i 00 /100KM/.

(4) **Ukupna vrijednost ugovora iznosi 186.109,62 KM /slovima: stotinuosamdesetšest hiljadastotinudevet i 62/100 KM/ sa uključenim PDV-om**

### Član 3.

#### (Način plaćanja)

Plaćanje radova će se vršiti po osnovu ispostavljenih faktura Dobavljača radova, a u zakonskom roku od 15 (petnaest) dana, računajući od datuma prijema fakture.

### Član 4.

#### (Pismeni zahtjev Nadzornog organa)

Navedeni radovi, koji su neophodni i moraju se izvesti, mogu se izvesti samo uz pismeni zahtjev Nadzornog organa, uz prethodno utvrđeno stanje od strane Ugovornog organa i odobrene cijene.

### Član 5.

#### (Rok izvršenja ugovora)

(1) Dobavljač se obavezuje otpočeti radove nakon potpisivanja Ugovora i dostavljenog spiska Ugovornog organa.

(2) Dobavljač je dužan sve radove završiti do 31.12.2020.godine.

### Član 6.

#### (Produženje roka za izvršenje ugovora)

Ugovorni rok se može produžiti samo:

- u slučaju zakašnjenja uvođenja u posao, za onoliko dana koliko je trajalo zakašnjenje,
- u slučaju više sile, za onoliko dana koliko su trajali razlozi produženja izazvani tom silom.

### Član 7.

#### (Ugovorna kazna)

(1) U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

(2) Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

(3) Ugovorni organ neće naplatiti ugovorenu kaznu ukoliko je do kašnjenja došlo uslijed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

### Član 8.

#### (Mjesto izvršenja ugovora)

Ugovorne strane su saglasne da je mjesto izvođenja radova: gradska groblja na području Kantona Sarajevo, kojima gazduje KJKP "Pokop" d.o.o.

### Član 9.

#### (Obaveze Dobavljača)

Pored obaveza predviđenih građevinskim propisima, Dobavljač je posebno dužan:

- da prilikom izvođenja radova preduzme sve mjere da se ne nanosi šteta susjednim objektima, saobraćaju i trećim licima. Sve štete, koje izvođenjem radova prouzrokuje trećim licima snosi isključivo Dobavljač,
- da o svom trošku ukloni sve nedostatke na radovima, koji nisu nastali krivicom Ugovornog organa,
- da na zahtjev Nadzornog organa ukloni sa gradilišta nekvalitetan materijal,
- da po završetku radova ukloni sve pomoćne objekte koje je koristio za potrebe izvođenja radova, uredi i očisti prostor od otpadaka i drugog neupotrebljivog materijala,
- da na gradilištu obezbjedi mjere zaštite na radu zaposlenih radnika,
- da održava izvedene radove do primopredaje istih.

### Član 10.

#### (Garancija za dobro izvršenje ugovora i kvalitet izvedenih radova)

(1) Dobavljač je dužan u roku od 10 (deset) dana od potpisivanja Ugovora dostaviti **garanciju u vidu mjenice i mjenične izjave za uredno izvršenje ugovora** u iznosu od 5% od vrijednosti ugovora sa PDV-om, sa rokom trajanja garancije do potpune realizacije ugovora.

(2) Dobavljač je dužan u roku od 10 (deset) dana, nakon internog tehničkog prijema izvedenih radova i dostavljenog i potписанog izvještaja Nadzornog organa, da su radovi izvedeni u skladu sa zahtjevima Ugovornog organa dostaviti **bezuslovnu bankarsku garanciju za kvalitet izvedenih radova** u iznosu od 5% od vrijednosti izvedenih radova sa PDV-om, sa rokom trajanja od 2 (dvije) godine plus 30 (trideset) dana.

(3) Garancija za uredno izvršenje Ugovora i bezuslovna bankarska garancija za kvalitet izvedenih radova dostavlja se u orginalu i ne smiju biti ni na koji način oštećene bušenjem ili slično, jer probušena ili oštećena garancija se ne može naplatiti.

(4) Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio Ugovorni organ, zaključeni Ugovor će se smatrati apsolutno ništavnim.

. Ukoliko ne nastupi nijedan od slučajeva, koji bi zahtjevao realizaciju garancije za uredno izvršenje Ugovora, Ugovorni organ vrši povrat dokumenata.

(5) Ugovorni organ će zadržati 5% od ukupne vrijednosti ugovora, dok Dobavljač ne dostavi garanciju za kvalitet izvedenih radova.

### Član 11.

#### (Nadzorni organ)

Za vršenje cijelokupnog nadzora nad izvođenjem radova, Ugovorni organ ovlašćuje «ARTING BH» d.o.o. Sarajevo.

## II - ZAVRŠNE ODREDBE

### Član 12.

#### (Građevinska knjiga i građevinski dnevnik)

Građevinsku knjigu i građevinski dnevnik vodit će predstavnik Dobavljača, u dva primjerka, od kojih jedan zadržava Dobavljač, a drugi Nadzorni organ Ugovornog organa.

### **Član 13.**

#### **(Otklanjanje nedostataka u izvedenim radovima)**

Dobavljač je obavezan da o svom trošku, na pismeni zahtjev Ugovornog organa, otkloni svenedostatke, koji bi se pojavili na izvedenim radovima uslijed nesolidnog izvođenja radovaili upotrebe nekvalitetnog materijala.

### **Član 14.**

#### **(Izmjena broja temelja)**

Ukoliko dođe do izmjene broja temelja iz Člana 1. ovog Ugovora, ugovorni odnosi će se mjenjati zaključivanjem novog ugovora.

### **Član 15.**

#### **(Primjena propisa)**

Na odnose između ugovorenih strana, koji nisu regulisani ovim Ugovorom primjenjuju se odgovarajuće odredbe Zakona o obligacionim odnosima i posebne uzanse o građenju.

### **Član 16.**

#### **(Rješavanje sporova)**

Za sve eventualne sporove stvarno i mjesno nadležan je Sud u Sarajevu.

### **Član 17.**

#### **(Broj primjeraka ugovora)**

Ugovor je sačinjen u 5 (pet) istovjetnih primjerka, od kojih svaka ugovorna strana zadržava po 2 (dva) primjerka, a 1 (jedan) primjerak se dostavlja Nadzornom organu.

**ZA UGOVORNI ORGAN**  
**DIREKTOR**  
Bahtanović Hazim, mr.

Broj:13-03-01-MD/45-234/20  
Sarajevo, 06.10.2020. godine



Broj: 01-45-3906/2020  
Sarajevo, 08.10.2020.